

Conzdungj Vwnzva Haeuj Hagdangz

□Lingz Siuyangh/ 凌秀香

Hagdangz lij cauhlaeb “aen giekdeih beizyin caijdiu”, beizyangi ndaej lai boux caijdiu vunzcaiz iq, gyoengqde camgya heiq doxdax lwgnyezrauh guek raeuz, lai baez ndaej gak cungj ciengj, vih ranzhag, giekdeih ceng ndaej haujlai mingzdaeuz. Ranzhag lij beizyangi ndaej bouxswnciep caijdiu iq ndeu, coh de heuhguh Vangz Gyahsan, de ndaej aen mingzdaeuz “lwgnyezrauh ndei seizdaih moq” neix, engq daiq gij cienzswnj, hwngfat caeuq doigvangq feihyiz hanghmoeg(caijdiu) ranzhag neix haeuj aen duenh moq bae.

Seizneix, gou siengj daengz caijdiu ranzmbanj gou. Caijdiu ranzmbanj gou caeux couh doiqok daizheiq, cij youq ndaw beksingq lij miz, cij miz geij boux laux seiz mbouj seiz ciengq daeuj gaijmbwq ndwi, mbouj miz bouxcoz swnciep, gaiq vwnzva neix yaek goenq lo, neix hawj vunz gaetsim. Conzdungj vwnzva haeuj hagdangz, gij yozyau Liujcwngz guh ndaej miz sing miz saek, caen baenz hagsib.

Ranzmbanj gou hix guh “feihyiz haeuj hagdangz”, dajbeij: Foux sae, san lamzva ganjmed, gvaibanj, fwendoj daengi, hix miz cingzyauq, hoeng beij mbouj ndaej Liujcwngz.

Bi 2024, minzczu gauhcungh yienh dou, hix heuh gou bae sou hagseng ciengq fwendoj. Hainduj, hagseng mbouj haengj cungj fwendoj neix, naeuz fwen neix lumj fwendaiej nei. Caen miz di lumj fwendaiej dahraix, ndigah bouxcoz gig mbouj gyaez de.

Fwendoj dwg cungj gyauhliuz fuengsik ndeu, dwg gyoengq cojcoeng

ciuhgeq raeuz youq ndwenngoenz swnghecanj ndawde cauxbaenz, gvaqlaeng bienqbaenz cungj vwnzva hingzvik ndeu, hix deng vwnzyinz geiqloeg roengzdaeuj, youq ndaw beksingq riuzcienz doigvangq, baenz gaiq youqgaenj fuengsik beksingq biujdaz gamjcingz, fanjyingj ndwenngoenz haenx, seizgan nanz le baenz cungj vwnzva ndaw beksingq ndeu, gaendwk caemh baenz minzczu vwnzva.

Vwnzva dwg hoenz guekgya, minzczu. Vwnzva hwng, guek cix hwng; vwnzva giengz, guek cix giengz. Siz Ginbingz cungjsuhgi giengzdih: Gak cuz aeu miz minzczu gagsaenq, vwnzva gagsaenq. Beksingq raeuz baenzlawz gagsaenq ne? Couhdwg yawjnaek caeuq ndiepgyaez gij conzdungj vwnzva raeuz. Ndigah, cienzswnj conzdungj vwnzva dwg gij cizcwz mbouj ndaej doi haenx.

Gou sonyinx lai baez, hagseng cij ciepsouh cungj fwendoj neix, cij nyinhcaen hag. Swnh “haexgaeq lij ndat”, gou sikhaek sawq gaijndei cungj fwendoj neix, yungzhab gij yenzsu goriuz, diuh de bienq angqyangz lo, hagseng gig maij. Hoeng, gaijndei conzdungj fwendoj gou miz di simhaw, lau gyoengq bouxgeq ndaq gou luenh gaij luenh coih, ndigah sim cungj mbouj onj.

Bwzswz Si bi 2024 aen ban hong baujhoh feihyiz youq Cingsih Si guh, gwnz hoih, Aen Cungsim Baujhoh Feihyiz Gvangjsih Lij Cwngz lauxsae naeuz: “Conzdungj vwnzva raeuz, baujlouz gij giekdae de le, danghnaeuz gaijndei de, neix dwg caeuq sevei hwngfat doxhab, caeuq

vwnzva hwngfat doxhab…….”

Gou dingq ndaej coenz vah neix, sim soengswt. Dauqdaeuj le gou damjlau son hagseng ciengq fwen gaijndei. Youq gwnz vanjvei yindungvei hagdangz, gyoengq hagseng gou bien hot fwen “gyo” mbaiq” ndeu, guhbaenz “langh sing doeg saw + fwendoj + fwen gaijndei” cungj vunqsik neix hwnj daiz yienjok, gaeuq moq doxhab, miz gij yaugoj liuh mbouj daengz haenx, ndaej daengx hagdangz lauxsae hagseng haenh.

Conzdungj vwnzva ciuhgeq louz roengzdaeuj haenx, dingzlai gaenq yaek goenq lo, neix hawj vunz gaetsim. Conzdungj vwnzva baengh youq ndaw beksingq cienzboq, cienzswnj, diuz

roen neix yied bae yied gaeb, cijmiz yungz haeuj hagdangz bae, gij cienzboq cienzswnj neix cijndaej yied bae yied gvangq, yied bae yied gyae.

Bae Liujcouh dauqdaeuj, gou sim’angq siengj daengz: Danghnaeuz moix aen hagdangz cungj vatra gaiq conzdungj vwnzva ndeu yungz haeuj sonhag bae, daengx guek ciencien fanhfanh aen hagdangz, gij conzdungj vwnzva raeuz couh ndaej laebdaeb fatyengz ronghsien; gij minzczu vwnzva raeuz lij dwg lai yiengh lai cungj; minzczu gagsaenq couh gag gietcomz; couqmaenh gij eiqsik caezcaemh Cunghvaz Minzczu raeuz couh yied byaij yied saed.

(2 sat)



▲Hagseng Liujcwngz Yen Sizyen Siujyoz yienj caijdiu.

Haetlaeng, Vangz Gencingh dawz saceij bae cat giz ciengz ngoenzlwenz gvethoi haenx. Mbwn ha! Saceij ngednged cat gvaqbae, gij faenj lumj deq mbouj gib nei foenxfoenx mbin roengz.

De doq heuh Vangz Genhuj dawz caxhoi canj hoiciengz ngoenzlwenz geij boux vunzmbanj gvet haenx, de swheij byaij roengz sam laeuz bae naengh cigunghgyauh bae hawciengz gencaiz yawj geij aen bouqmienh cienmonz gai nizswjfwj haenx, yawjraen “geiqmaenh” baiz daegbied wenjda, laixlawz dwg Cinz lauxbanj cawx hawj yungh gvaq.

Bouxgaihuq dwg dah sau ndeu, raen bouxcawx daeuj yawj huq naj

Lauxdoengz

□Moz Lijginz/ 磨礼勤

maeqsisi haenx lumj duj va ndeu riunyumnyum cam naeuz: “Beixhung, aeu nizswjfwj lwi?”

Vangz Gencingh cam: “Bau ndeu geijlai ngaenz?”

Lwgsau naeuz: “Cibhaj maenz haj gak.”

Vangz Gencingh naeuz: “Bengz lai lo.”

Lwgsau naeuz: “Beixhung, gij nizswjfwj neix gai mbouj bengz ha, dou dwg gag cauh gag gai, mbouj miz ca’ gyaq, bouqdiemq lai aen faenboush youq Namzningz gak dieg, gai ndaej gigei ndei, mwngz naemj ndei caiq daeuj cawx.”

Vangz Gencingh naeuz: “Gou aeu haj cien bau doxhwnj, noix di ndaej mbouj?”

Lwgsau naeuz: “Mwngz caj yaep ndeu.” Gangj sat, dawz denva dwk hawj lauxbanj. Buenq aen cung, boux vunzgeq roekcib bi ndeu coh bouqdiemq byaij daeuj, doiq Vangz Gencingh ngaek gyaeuj, youh heuh lwgsau cung caz.

“Daeuj, get cenj caz ndeu.” Vunzgeq heuh Vangz Gencingh naengh daengq, Vangz Gencingh miz di suksouj, de ceiq yawj mbouj gvenq gij yienzbauq dangz duk haenx.

Vunzgeq gangjavah unqswnh hix amq hamz yiemzsuk, daengz hauhneix nienzgeij, de yawj gvaq gwnzbiengz geijlai fwnrumz.

De mbouj gaenj mbouj menh, naeuz: “Gwn cenj caz ndeu nyinh congghoz, mboujguenj dwg gaicawx roxnaeuz gvaq roen, gwn cenj caz ndeu caengj roxnaj.”

Vangz Gencingh gwn gaemz caz

ndeu, cam: “Lauxbanj, mwngz couh gangj coenz vah ndeu, bau nizswjfwj mwngz aeu geijlai ngaenz?”

Lauxbanj naeuz: “Gou gai okbae bau ndeu couh cibhaj maenz haj, mwngz siengj hawj geijlai?”

Vangz Gencingh naeuz: “Cibsam maenz bau ndeu.”

Lauxbanj najgeq nyaeuq guh doi ndeu, naeuz: “Cibsam maenz? Mwngz saedcaih dwg youq goekga gou heh gaiq noh deuz.”

De yawj Vangz Gencingh dwg boux vunz lauxsaed ndeu, cam: “Mwngz aeu geijlai bau, gangj byotbyat di.”

Vangz Gencingh naeuz: “Camhseiz aeu haj cien bau.”

Lauxbanj fwngzgvaz seiq lwgfwngz roq roengz mienhdaiz: “Cibseiq maenz!”

Vangz Gencingh naeuz: “Bau soengq daengz dieghong?”

Lauxbanj cam: “Soengq daengz lawz? Soengq ndaw si Namzningz ndaej soengq, bae daengz lajmbanj hix aeu hai ngaenzdoz.”

(15)

